



Apeqqueteqaat aallaavigalugu oqallisissiatut siunnersuutigineqarpoq, qanoq ililluta Kalaallit Nunaata politikikkut annerpaamik siammasinnerpaamillu nunanut allanut politikikkut tungasunut matumanilu aamma qallunaat naalagaaffiannut isumaqatiginninnarnernut tunngatillugu piginnaatitaaffeqarnissaa.
(Inatsisartunut ilaasortaq Anna Wangenheim, Demokraatit)

Qujanaq Demokraatit Inatsisartuni ilaasortaaitaanut Anna Wangenheimimut oqaluuserisassap pingaarutillip oqaluuserisassanngortinneranut.

Demokraatinut pingartuuvoq, ataatsimoorluta pitsaanerpaamik nunanut allanut politikki ingeerlatissagipput. Isumaqarpugut, nunanut allanut politikikkut apeqqutit pineqartillugit pingartuuvoq siammasinnerpaamik tunuliaqutaqartarnissaq, tassami qanorluunniit allanngoranngitsumik politikkeqarneq pilersinneqassamat, Inatsisartunut qinersinerit tamaasa allanngortinneqanngitsumik.

Siunnersuuteqartup Demokraatiniit Anna Wangenheimip siunnersuummut tunngaviusutut apeqqutit arlallit saqqummiuppai, periarfissat assigiinngitsut taakkartorlugit, qanoq ililluta iliuseqarsinnaanersugut, nunanut allanut tungasunut siammasinnerpaamik suleqatigiissinnaanerput anguniarlugu. Isumaqarpunga, aaqqiissutissatut periarfissat pitsaasut taakkartorneqartut, Demokraatillu tamaasa isumaqatigaat. Taamaattorli isumaqarpugut, pitsaanerpaajussasoq, aaqqiissutissamik nassaarsinnaagutta, ataatsimiititaliamik, oqallittarfimmik assigisaaniluunniit partiit tamarmik peqataaffigisassaannik. Tamanna akuttummat maannakkut Nunanut Allanut- aamma Sillimaniarnermut ataatsimiititaliami.

Immaqa isumassarsiorfigisinnaavarput, COVID-19-mik ataatsimoorluta akiuniarnerput, tassani oqallittarfimmi partiini siulittaasut, ataatsimoorlutik Covid-19-imik akiuniarnermi sorsuutiginnissimmata siammasinnerpaamik isumaqatigiinniarsarisimalluta. Imaanngitsoq, partiit siulittaasuinnai tassaniissasut, isumaqarpungali, oqallittarfik isumassarsiatsialaasoq, partiit tamarmik peqataaffigisinnaasaat.

Tassalu oqallinnermut tassunga isummersuutigigallakkagut.